

erfahren vnd lernen / Vnd wollest dich ja wol fürsehen / das  
du in deme deiner Pflicht vnd der Wahrheit nicht fehlest.


Item / ein ander Feldt von krummen ein  
vnd außgebognen Seyten.

73.

Item / ein Feldt hat etliche krummen vnd Bogen aus  
vnd ein / Wie die Figur vnten anzeiget. Ist nu die Frage/  
wie man ein solch Feldt recht messen sol / vnd wie viel es helt ?  
Facit 10. Morgen.

Machs also / Theyle das Feldt in drey Triangel / Dar  
nach miß oder zeuch mit einer Ketten oder Schnur nach jekt  
gegebner lehr / gerade durch die Krummen oder Bügen / Die  
gerade Linie die mit Pünctlein verzeichnet ist / vnd mit E. D  
setze ich / die sey lang 15. Ketten / Miß die andern drey Tri  
angel auch / vnd schreibs fleissig auff / Rechen jden sonderlich  
vnd summirs / wirdt  $9\frac{3}{4}$ . Morgen  $\frac{1}{2}$ . Kette / Miß auch die  
zwo vbrige kleine Krumme (so mit E. A. B. verzeichnet)  
kömpt  $1\frac{1}{2}$ . Kette / Summire solches zur vorigen Summen /  
so kompt gerade 10. Morgen / r̄.

Figur des Feldes.



Hieraus kanstu nu ferner selbest erachten / wie andere  
gattung außwärts oder innwärts gebogen / als die so einem  
aufges